

Հայաստանի Ոսկեհանք

Գրեց՝ ՊՐՈՖ. Ն. ԱՌՆՑ

ԵՐԵՒԱՆԻ «Գիտական տեղեկագրում» կայ եւ մի յօդուած հայ անցեալին վերաբերեալ, բաւականին մեծարան վերնագրով՝ «Յոյն պատմիչների վկայութիւնը Հին Հայաստանի ոսկեհանքերի եւ նրանց տեղի մասին. տեղագրական ուսումնասիրութիւն»:

Յօդուածը պատկանում է պ. Ա. Սաչատրեանին, Սանասարեան դպրոցի նախկին ուսուցիչներէից մէկին, որով հասկանալի է զբոլովեան վարժապետական եւ վարդապետական շէշտը, որ թերեւս սաղում է երկարամեայ դասատուին:

Յօդուածի ճակատը զարգարուած է խրատարանական քանդակով, առնուած Վալդեմար Բեկից, որի միտքն է թէ «առանց ընդհանուր աշխարհագրական աղբրները գիտնալու» եւ «առանց տեղական մասնաւոր յարաբերութիւնները ճշգրտելու» մարդ չի կարող արդիւնաւոր լինել աշխարհագրական խնդիրներում:

Մեծ իմաստութիւն չէ, հարկաւ: Բայց միութարական գոնէ կարծել, որ պ. Սաչատրեան իւրացրել է այս իմաստութիւնը. եւ ուրեմն կարելի է յուսալ, որ տեղի վրայ կատարած ուսումնասիրութիւն ունի եւ այդ ուսումնասիրութեամբ յաջողել է վանել հայ բանասիրութեան երեսից ինչ ինչ աշխարհագրական կնճիռներ:

Յօդուածի մեծ վերնագիրը չափի չափով է ընթերցողին: Սօսքը միայն երկու յոյն պատմիչի մասին է, Ստրաբոն եւ Պրոկոպ. եւ սրանց վկայութիւնն էլ մեծ բան չէ, գրեթէ einsilbig, ինչպէս կ'ասեն գերմանացիք: Ստրաբոն յիշում է, որ Ալեքսանդր Մակեդոնացին աչք է ունեցել Կարալլայի ոսկեհանքի վրայ, որ գտնուում էր Սիսպիրիտի մէջ: Սիսպիրիտ հայ Սպեր գաւառն է եւ Կարալլա այնտեղի անուն, ուր էր ոսկեհանքը նոյն դաւառում:

Աւստրիացի դպրոցական մի ուսուցիչ, Մոնցկա անունով, այն միտքն է յայտնել, թէ Սիսպիրիտ որոնելու է Հայաստանի հարաւային

սահմաններում, մեծ աշխարհակալի ճանապարհի մօտիկ: Մի անհատական կարծիք, անկարող խախտելու ինչ որ ընդունուած է:

Պ. Սաչատրեան մեծ աշխոյժով արշաւում է Մոնցկայի վրայ եւ, այն ինչ սպասում է, որ «տեղագրական ուսումնասիրութեամբ» ջախջախէ իր հակառակորդին, ընդհակառակն նա նահանջում է, «մի աւելի կարեւոր առաջարկութիւն անելով ի նպաստ Մոնցկայի կարծիքի եւ համաձայն է, որ Սիսպիրիտ գտնուելու է Տիգրիսի աւազանում: Իսկ ոսկեհանքը՝ ոչ, հանքերը թողնում է Սպերում, «մինչեւ որ հաստատուի ոսկու հանքի գոյութիւնը» Տիգրիսի աւազանում:

Այսպէս է սկսում եւ այսպէս փակում յոյն պատմիչի վկայութեան քննութիւնը: Եւ այս կոչում է «տեղագրական ուսումնասիրութիւն»:

Սակայն, երեւում է, որ պ. Սաչատրեանի ուսումնասիրութեան նիւթը իսկապէս Ստրաբոն չէ: Կարալլայի ոսկու խնդիրը նա յարուցանում է որպէս մի մարզանք, մի տեսակ յեսան, ուր սրում է իր գիտական միտքը, որպէսզի աւելի յաջողութեամբ ճակատէ միւս պատմիչի վկայութեան շուրջը:

Պատմիչը Պրոկոպն է եւ Մոնցկայի գերում՝ մենք: Իր աշխատութիւնը վերջացնելուց յետոյ բաւականին ժամանակ է անցնում, եւ պ. Սաչատրեան իմանում է, որ նոյն խնդրով ըզբաղուել ենք եւ մենք: Դուրս է գալիս, որ «իրարից անկախ (մի'տ առէք, քսանից աւելի տարի յառաջ գրածս անկախ նրանից) երկուքս էլ, ինչպէս յայտարարում է պ. Սաչատրեան, յանգել ենք երբեմն նոյն եզրակացութեան, չատկէտերում էլ իրարից տարբերում ենք»:

Արդոյ բանասէրը բերում է մեր բացատրութիւնները, քննում է, հակասութիւններ է գտնում, ջրում, հերքում եւ հետեւեալ դատականիքն է արձակում.

«Հեղինակը չի կարողացել պատկերացնել տեղագրական պայմանները եւ արդէն առանց